

# Sensibilisà fitg per il rumantsch

## Pro Svizra Rumantscha 2019

■ (fmr/gc) 2019 – l’onn che la Lia Rumantscha (LR) ha pudì festivar ses 100 onns – ha la Pro Svizra Rumantscha (PSR) organisà in podi davart il futur dal rumantsch e supplitgà explicitamain gliedud sut 40 onns da preschentar lur visiums. Ils cooperaturs e las cooperaturas han giavischà che l’engaschament dals giuvens vegnìa integrà meglia en la lavur da promoziun e ch’il regl da scriver rumantsch duaja vegnir sviluppà.

La PSR ha pretendì cun in podi bain frequentà in rinforz da l’engaschament per la digitalisaziun rumantscha. La LR ha alur surpiglià la batgetta ed envidà differents acturs dal champ da la digitalisaziun per pudair coordinar la lavur.

Plinavant ha la PSR inoltrà ina posiziun davart il messadi da cultura federal.

Ell’è s’engaschada che la diaspora rumantscha vegnìa resguardada a moda sufficienta. Era ha la PSR postulà d’installar ina cumissiun federala da linguas ed accentuà la necessitad da meds d’instrucziun rumantschs attractivs. Er è la PSR stada en contact cun organisaziuns da la diaspora e la LR per metter in focus pli ferm sin las persunas che na vivan betg en territoris da tschep.

### **Vinavant activa e creativa**

Tenor il program per quest onn metta la PSR – che vegn copresidiada da *Barbla Etter* e *Clau Dermont* – l’accent sin la digitalisaziun. En spezial munta quai far part da la discussiun en il Grischun cun in program da digitalisaziun. 2020 vegn quest program discutà e finalisà da las in-

stituziuns chantunalas. – La LR ha dà en consultaziun ina strategia e la PSR sa partipescha er a questa discussiun. Sin d’atun è planisà da terminar questa strategia cun metter il focus sin prioritads cleras. La PSR vegn a contribuir latiers cun atgnas ideas e propostas.

La PSR sa dumonda er: Nua èn tuttas las giuvnas Rumantschas ed ils giuvens Rumantschs? Sia resposta: Sparpagliads per la Svizra ed il mund enturn. – Cun l’aquari rumantsch vules la PSR iniziar ina rait da contacts rumantscha. Tgi che ha in’idea u project po la nizzegiar. Era vegn la PSR ad organisar regularmain sentupadas e lavuratoriis per facilitar ideas, projects e contacts. Ils ultims onns hajan mussà che novas ideas naschan e sa sviluppan da cuntin.